

Wladislaus Quartus


Poloniarum Rex

(Solennis Varsaviae) Ingressus publicae oratione
a Senatu Civitatis exceptus. a. 1634.

PANEG. et VITAE

Polon. Fol.

Nº 1512.



POTENTISSIMI

Polonorum & Suecorum Regis
Prussorum Ducis, &c.

VLADISLAI

QVARTI

Pii, Felicis, Inclyti,

Victoris ac Triumphatoris semper Augusti

SOLENNIS

DANTISCI

INGRESSUS

Publicâ Oratione

à

SENATU CIVITATIS

exceptus

die xix. Decembr.

ANNO M. DC. XXXIV.

13.

REVERENDISSIMO PRÆSULI
ILLUSTRISSIMO DOMINO
DN. JACOBO ZADZIK
Episcopo Culmensi & Pomesania
Supremo Regni Poloniae Cancellario

Domino suo gratiosissimo
HENRICUS FREDERUS
P. P. P.

Cæsi filio, quem à primâ etate nativus loquendi usus defecerat, vehemens in Patrem affectus vocem expresit; officiosæ pietatis fervore ministrante, quod negaverat Natura indoles. Atte verò facundi sermonis infecundum, cum publico Civitatis nomine verba facienda erant, communis lætitiæ vis & fecunditas, ac devota Regii Nominis veneratio vocalem reddidit. In primis linguam, artis expertem, inflummarvit HEROIS nostri incomparabilis admiranda gloriæ, quæ cum ambitiosis præscorum titulis, collata sublimitate, suâ exuperat universos: HEROIS illius, qui, teste Invidia, est terror hostium, salus subditorum, solatium afflictorum, gentium columen, Orbis amor, sæculi delictum. Quæ igitur MAGNI REGIS honori dicta, hæc est Oratio, etsi necessario quodam vitio res angustissimas angustis spatiis complexa, memoria posterorum exscriptam, hic exhibeo, non alio fine, quàm ut HEROICÆ Virtutis ac sinceræ devotionis argumentum præbeat, quæque per se parum existimationis forte habitura sit, benigno Illmæ. Cels. Væ. judicio commendatior evadat. Quod si hunc saltem obsequentiissimæ voluntatis fructum assequar, ne obstinatum bene merenda studium meum non improbari intelligam, ac potissimum, ut Responsiussu Regio publicè dati, vicissim compos reddar, ingens me fecisse opera pretium arbitror. Faxit Deus, ut conatus & vota nostra prosperè cedant, REGI REIPUBLICÆ NOBIS; seu ut brevius eloquar, REGI: in quo & RESPUBLICA & NOS sumus.

Scrib. xx Decemb. Anni exeuntis M DC XXXIV. post cujus decursum sequentes multos Illmæ. Cels. Væ. felicissimos & solidæ restitutæ Pacis gloriæ insignes precor.

22212 III

112-10-11. UNIV.


UNIVERSITAS

Ad

SACRAM REGIAM MAIESTATEM

Urbem intrantem

COMPELLATIO SENATUS



SACRA AC SERENISSIMA REGIA MAIESTAS

AC DOMINE, DOMINE CLEMENTISSIME.



Elicissimus Sac. Ræ. M^{ti}s. Væ. in Ur-
bem hanc adventus tantam affert
omnibus lætitiā, ut gratiorem
auspicatioremvè Patriæ nostræ il-
luxisse diem nemo unquam me-
minerit. Hinc effusa populi ge-
stientis turba, ceu ad beneficū
& salutare sidus terris affulgens, certatim concurrit
undiquè; omnis ætatis, sexus, & conditionis homi-
nes, in explebili voluptatis sensu affecti, iucundissimo
aspectu frui satagunt; omnia plausibus, iubilis & fau-
stis acclamationibus circumquaque personant; ipsa à
solo divelli Urbs, si rerum natura pateretur, & in oc-
cursum venire parata, publica effervescentis gaudij
insolentia exultat; Civitas universa, rerum gestarum
magnitudine attonita, quem Principem salutavit an-
tea, quacunque Fortuna maiorem, nunc Regem ve-
neratur, supra omnem humanæ sortis gloriam posi-
tum, hostibus formidabilem, amicis delectabilem, su-
is desiderabilem, cunctis admirabilem.

Senatus Civitatis, quem præsentia Sacrae Regiae
Maiestatis Vestrae, Domini nostri clementissimi, sum-
mè recreat, & in spem melioris fortunæ erigit, devo-
tissimis animis præstò est, & nuperos bellorum suc-
cessus, ipsa ferè expectatione & consilijs humanis fe-
liciores; tum hunc ipsum à partis triumphis & redin-
tegratâ pace, Urbis ingressum gratulatur: verum ita,
ut pietatis affectus vocem simul & vota superet.

Agnoscit divini Numinis beneficium, quo Mo-
SCORUM perfidia nullum nisi in Regali gratia refugi-
um reliquum habuit; quo TURCARUM tyrannis sola
adventus Regii fama profligata est: quo BARBARORUM
furor, in propriam præceps perniciem, & violati fœde-
ris sanctitas exitiale in authores sceleris supplicium
convertit. Agnoscit etiam Regiarum virtutum
splendorem, qui magnanimitate in periculis, pru-
dentia in consilijs, celeritate in actionibus, constantia
in molestiis, dexteritate in negotiis, moderatione in
victoriis clarissimè emicuit; qui in summo dignitatis
ac potentiae fastigio Fortitudini & Clementiae pal-
mam ambiguum fecit.

Proinde gratias agit immortales supremo rerum
Arbitro & Rectori Deo, quod Sacram Regiam Ma-
iestatem Vestram, post suscepta confectaue pro
communi salute bella, initijs aspera, progressu glo-
riosa, exitu salutaria, spretis longorum itinerum tæ-
diis, auspiciò reducem, non modò salvam & incolu-
mem, sed trophæis & laureis inclytam, hodierna lux
conspiciendam præbuit. Gratias quoque humilimas
agit Maiestati Vestrae Regiae, quod, dum in obeundis
ditionibus suis Terrarum Prussiae occupatur, in ade-
unda

unda pariter Urbe, fidelitatis obsequio nulli secunda,
paternæ clementiæ & benignitatis inæstimabilis do-
cumentum dedit; nec luctu domestico fraterni fune-
ris, Principis nuper florentissimi, (quo Fati iniqui-
tas festivitati recentis gaudij obstrepere voluit) cæ-
pta Regiæ sollicitudinis curricula atque Honoris orna-
menta, aut publicæ hilaritatis studia interrumpi passa
est: Quæ ut perpetua nobis sint, nec unquam noxia
vicissitudini obnoxia, sed accessione novi trophæi &
secuturæ tranquillitatis ad oreâ cumulatio obtingât,
ex intimis pectorum penetralibus Senatus præfens
exoptat. Atque hoc unicum ad felicitatis perfectio-
nē posse adiungi ratus, haud dubiè ante calamitates
bellicas, iniuriasque varias, brevi temporis intercape-
dine, vel levi opinionis discrimine, aperta tantum
hostilitatis impetu distinctas, domi forisque, ideò per-
ferendas fuisse existimat, ut auspiciis demum Sacræ
Regiæ Vestræ Maiestatis optatâ ac suæ solius gloriæ
cælitus reservata Pace & Concordia tuti perfruamur.

Qua boni ominis fiducia se suaque omnia, for-
tunas & vitæ commoda, iura ac libertates, & quic-
quid sub Sole charum possidet, Sacræ Regiæ Maiesta-
ti Vestræ, Domino nostro clementissimo, in cuius æ-
quanimitate & regnandi iustitiâ firmissimum salutis
suæ præsidium tenet, Civitas hæc libenter committit:
quæ uti hætenus fidelium subditorum partes modis
omnibus implere studuit, ita posthac enitetur sedulò,
ne vel à rectè faciendi proposito deflexisse uspiam, vel
Fidei inconcussæ integritatem & æternæ Constantiæ
decus, Bonis omnibus probatum, cum Famæ oppro-
brio deseruisse videatur.

Iam verò ad contestandam uberius humilimæ
subiectionis suæ promptitudinem, & perennem in
Reges suos observantiam, claves portarum Civitatis
huius Sacræ Regiæ Maiestati Vestræ submisso venera-
tionis cultu Senatus offert: certò sibi persuadens, nul-
lam aliam benè beateque vivendi rationem nobis
constare posse, quàm sub pio felicique Regiæ Maie-
statis Vestræ regimine. Cui ut deinceps prospera
quæque & læta semper eveniant, solenni devotæ
mentis voto Sacram Regiam Maiestatem Vestram læ-
tus prosequitur:

VIVAT, FLOREAT, IMPERET,
DIU, TRANQVILLE, FELICITER.

REX AUGUSTISSIMUS
TRIUMPHATOR INVICTISSIMUS
SOSPITATOR GLORIOSISSIMUS.

Respon-

Domino Cancellario Regni datum.

Et ea quidem, quæ per Sacram Regiam Majestatem in præteritis hisce expeditionibus, boni publici causâ, acta & gesta sunt, quæ ut per vos sunt

sunt commemorata, Sacra Regia Majestas Domino Deo Exercituum, qui magnam hanc fecit virtutem, accepta refert, ejusque clementia ac benignitati adscribit, ac Divinam ipsius Majestatem precatur, ut eam felicitatem, quam largita est in reprimendis diversorum hostium conatibus, eandem quoque contra reliquos Reipublicae istius hostes largiri vota quoque vestra rata habere velit.

Ceterum Sacra Regia Majestas Spectabili Senatui toti, Civitati gratiam ac benignitatem suam Regiam defert, protectionemque in conservandis illorum juribus & privilegiis pollicetur, certo sibi persuadendo, & Spectabilem Senatui & universam Civitatem inconstanti semper fide erga Sacram Regiam Majestatem & Rempublicam perman-suram, omniaque bonorum & fidelium subditorum tam pacis tempore, quam undequaque Regia Majestas restitutam cupit, quam etiam belli, si pervicacia hostium eò in vitam Regiam Majestatem traxerit, officia expleturam.

Claves Portarum Civitatis, quas in signum suae Sacra Regia Majestati subjectionis tradunt, easdem illis Sacra Regia Majestas restituit, constanti earundem fidei integrisque mentibus & portas & securitatem suam committendo.



cituum
ntia ac
ut cam
a cona-
largire

ivitati
in con-
versua-
nstanti
erman-
mpore,
m belli,
sofficia

e Ma-
sresti-
securi-

